

ხელშეკრულება # 215  
(სახელმწიფო შესყიდვის შესახებ)

31 აგვისტო 2018 წ.

ქ. ბათუმი

ერთის მხრივ, სსიპ საზოგადოებრივი მაუწყებლის აჭარის ტელევიზია და რადიო, ს/ნ 245675880 შემდგომში - „შემსყიდველი“, დირექტორის ნათია კაპანაძის სახით და მეორეს მხრივ შპს „კომპაუდი“, ს/ნ 202385169. მის: ქ. თბილისი, აკაკი წერეთლის გამზირი #95ა. მომსახურე ბანკი: სს „თიბისი ბანკი“, ბანკის კოდი: TBCBGE22; ა/ა GE46TB0739736020100009, წარმოდგენილი დირექტორის კობა ბერაძის სახით, შემდგომში - „მიმწოდებელი“, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე წინამდებარე ხელშეკრულებას დებენ შემდეგზე:

**1. ხელშეკრულების საგანი**

1.1 წინამდებარე ხელშეკრულების საფუძველზე მიმწოდებელი თანახმაა ხელშეკრულების გაფორმებიდან არაუგვიანეს 2018 წლის 30 სექტემბრისა გაუწიოს შემსყიდველს შემდეგი სახის აუდიტორული მომსახურება:

1.1.1 18 ერთეულის ჩამოწერაზე დასკვნის გაკეთება და მათ შორის 4 ერთეულზე აუქციონზე გატანის საწყისი ფასის დადგენა;

1.1.2 შავი და ფერადი ლითონის-ჯართის ერთეულ წონაზე ფასის დადგენა;

1.1.3 08- საცნობარო მუხლში - „ამორტიზებული ძირითადი აქტივები“-78 ერთეულის აფასება;

(CPV 79212000 - აუდიტორული მომსახურება) შემდგომში - მომსახურება, ხოლო შემსყიდველი თანახმაა მიიღოს აღნიშნული მომსახურება და გადაუხადოს მიმწოდებელს თანხა წინამდებარე ხელშეკრულებით გათვალისწინებული პირობების შესაბამისად.

1.2 ხელშეკრულების საერთო ღირებულება შეადგენს 1200 (ათას ორასი) ლარს, რომელშიც შედის კანონმდებლობით გათვალისწინებული გადასახადები.

1.3 დაფინანსების წყარო - საკუთარი სახსრები

**2 მიღება - ჩაბარების წესი**

2.1. მომსახურების მიწოდება ჩაითვლება მიღებულად მხოლოდ მიღება-ჩაბარების აქტის გაფორმების, ან სათანადო სხვა დოკუმენტის წარმოდგენის შემდეგ.

2.2. მიღება-ჩაბარებას ახორციელებენ მხარეები. შემსყიდველის მხრიდან მომსახურების მიღება-ჩაბარებაზე უფლებამოსილია მაუწყებლის ფინანსური ეფექტიანობის სამსახურის უფროსი რაულ ბერიძე.

2.3 მომსახურების მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

2.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების, ნაწილის (ეტაპის) და წუნდების მიზეზის მითითებით.

2.5. მიმწოდებელი ვალდებულია შემსყიდველს მიაწოდოს დადგენილი ხარისხის მომსახურება.

**3. ანგარიშსწორების ფორმა**

3.1. ანგარიშსწორება მიმწოდებელთან ხორციელდება შემსყიდველისათვის სათანადო ზედნადების, ინვოისის, მიღება-ჩაბარების აქტის ან სხვა შესაბამისი დოკუმენტის წარმოდგენიდან 10 კალენდარული დღის განმავლობაში.

3.2 მიმწოდებელთან ანგარიშსწორება განხორციელდება უნაღდო ანგარიშსწორების ფორმით.

3.3. ანგარიშსწორება მიმწოდებელთან იწარმოებს ეროვნულ ვალუტაში.

**4 მხარეთა უფლება - მოვალეობანი**

4.1. შემსყიდველი უფლებამოსილია:

ა) მოსთხოვოს მიმწოდებელს მომსახურების მიწოდება წინამდებარე ხელშეკრულების 1.1. პუნქტის შესაბამისად.

ბ) მოითხოვოს მომსახურების ხარისხში და/ან მოწოდების პირობებში ხარვეზის ან ნაკლის აღმოფხვრა.

გ) მოსთხოვოს მიმწოდებელს წინამდებარე ხელშეკრულებით ნაკისრი ვალდებულების შეუსრულებლობით ან არაჯეროვანი შესრულებით მიყენებული ზიანის ანაზღაურება.

ე) მიმწოდებელთან შეთანხმების გარეშე გამოიყენოს წინამდებარე ხელშეკრულების საფუძველზე შექმნილი პროდუქტი (საფირმო შრიფტი) და არ დაუშვას მისი მესამე პირების მხრიდან მათ შორის მიმწოდებლის მხრიდან გამოყენება.

ვ) განახორციელოს წინამდებარე ხელშეკრულებით გათვალისწინებული სხვა ქმედებები.

4.2 შემსყიდველი ღებულობს ვალდებულებას:

ა) აწარმოოს ანგარიშსწორება მიმწოდებელთან წინამდებარე ხელშეკრულების 1.2. პუნქტის შესაბამისად.

4.3. მიმწოდებელი ღებულობს ვალდებულებას;

ა) მიაწოდოს მომსახურება შემსყიდველს წინამდებარე ხელშეკრულების 1.1. პუნქტის შესაბამისად;

ბ) მიმწოდებელი ვალდებულია შეტყობინების მიღებისთანავე აღმოფხვრას მომსახურების ხარისხში და/ან მიწოდების პირობებში გამოვლენილი ნაკლი ან ხარვეზი, შემსყიდველის მხრიდან რაიმე დამატებითი დანახარჯების გაწევის გარეშე.

გ) შრიფტის ზომა, ფორმა და სხვა მახასიათებლები წინასწარ შეუთანხმოს შემსყიდველს.

დ) არ მიაწოდოს წინამდებარე ხელშეკრულების საფუძველზე შექმნილი პროდუქტი (საფირმო შრიფტი) მესამე პირებს და არ განახორციელოს მისი გამოყენება შემსყიდველთან წინასწარი წერილობითი თანხმობის გარეშე.

4.4. მიმწოდებელი უფლებამოსილია მიიღოს ანაზღაურება საქონლის მიწოდებისათვის, წინამდებარე ხელშეკრულების 1.2. პუნქტის შესაბამისად.

4.5. მხარეთა უფლება-მოვალეობები, რომლებიც არ არის გათვალისწინებული ამ მუხლით, მოწესრიგდება წინამდებარე ხელშეკრულების შესაბამისი ნორმებისა და მოქმედი კანონმდებლობის შესაბამისად.

## 5. მხარეთა პასუხისმგებლობა

ხელშეკრულების პირობების დარღვევისათვის

5.1. მხარეთა მიერ წინამდებარე ხელშეკრულების პირობების დარღვევის შემთხვევაში მათ დაეკისრებათ მეორე მხარისათვის მიყენებული ზიანის ანაზღაურება.

### 6. ხელშეკრულებაში ცვლილებების შეტანა

6.1 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

6.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

6.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

6.4 საჭიროების შემთხვევაში შექმნილი ვითარებიდან გამომდინარე შეიძლება გადასინჯულ იქნეს როგორც ხელშეკრულების პირობები ასევე ხელშეკრულების ფასებიც.

### 7. უფლებების გადაცემა

7.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

### 8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

### 9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.

9.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების 11.1. პუნქტიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

9.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

### 10. ხელშეკრულების მოქმედების ვადა და მისი შეწყვეტის პირობები

10.1. ხელშეკრულება ძალაშია ხელმოწერის დღიდან და მოქმედებს 2018 წლის 31 დეკემბრის ჩათვლით.

10.2 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

10.3 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ სამი დღით ადრე.

10.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.5 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

10.6 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

10.7 ამ მუხლის მე-6 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული სასაქონლოს ღირებულება.

## 11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალა-ხავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 12. სადაო საკითხების გადაწყვეტა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

## 13. გამოყენებული სამართალი

13.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპუშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

14.3 წინამდებარე ხელშეკრულებაზე ხელმოწერით ასევე დასტურდება, რომ შემსყიდველის წარმომადგენელს (ნათია კაპანაძე) არ გააჩნია, მოქმედი კანონმდებლობით გათვალისწინებული ინტერესთა კონფლიქტი მომწოდებელთან.

### 15. გადასახადები და ბაჟები

15.1 მიმწოდებელი პასუხს აგებს საქართველოს კანონმდებლობით დადგენილი გადასახადების და მოსაკრებლების გადახდაზე.


### 16. ხელშეკრულების შესრულების ზედამხედველობა

16.1. ხელშეკრულების ინსპექტირებას განახორციელებს შემსყიდველის ფინანსური ეფექტიანობის სამსახურის უფროსი რაულ ბერიძე.

### მხარეთა ხელმოწერები

შემსყიდველი  
ნათია კაპანაძე

ნკ.



მიმწოდებელი  
კობა ბერაძე



ხელწერილი ინტერესთა კონფლიქტის არარსებობის შესახებ

ქ. ბათუმი

31 აგვისტო 2018წ.

„სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტის „გ“ ქვეპუნქტის და მე-4 პუნქტის შესაბამისად, მე ქვემოთ ხელისმომწერი ვადასტურებ, რომ არ გამაჩნია ინტერესთა კონფლიქტი შპს „კომპაუდი“-სთან.

ფინანსური ეფექტიანობის სამსახურის უფროსი

რაულ ბერიძე

